

四庫全書

子部

欽定四庫全書

玉海卷六十一

宋 王應麟 撰

藝文

奏疏 策

唐虞之臣敷奏以言秦漢之輔上書稱奏奏者進也
敷下情進于上也

周奏事

周禮宰夫掌叙羣吏之治以待諸臣之復萬民之逆注
復謂於朝廷奏事逆謂上書 太僕掌諸侯之復逆注
鄭司農云復謂奏事也逆謂受下奏 御僕掌羣吏之
逆及庶民之復

秦奏事

漢志春秋類奏事二十篇秦時大臣奏事及刻石名山

文

七國未變古式言事於王
皆稱上書秦初改書曰奏

漢高帝時奏事

高紀五年高起王陵對注臣瓚曰魏相邴吉奏高帝時
奏事有將軍臣陵臣起 列傳周昌嘗燕入奏事 田

蚡為丞相入奏事語移日 石建奏事上前屏人言切

至 公孫弘朝覲奏事因言國家便宜見嚴助傳 汲黯武

帝坐武帳黯前奏事 張湯每朝奏事語國家用日

旰天子忘食使兒寬為奏 蕭望之疏令公卿大臣朝見奏

事明陳其職

漢賈山至言

賈山傳文帝時言治亂之道借秦為諭名曰至言大槩
謂聖主以和顏受諫而興秦以不聞過失而亡

時孝文二年冬

十一月癸卯日食詔舉直言極諫通鑑綱目賈山上書附是月

志儒家賈山八篇

漢董仲舒上疏

董仲舒傳仲舒所著皆明經術之意及上疏條教凡百

二十三篇

漢地節羣臣封事 漢上封事 唐上封事

宣紀地節二年五月上始親政事而令羣臣得奏封事

以知下情五日一聽事自丞相以下各奉職奏事以傳
奏其言 魏相傳因許伯奏封事言春秋譏世卿今光
死子復為大將軍昆弟諸壻據權勢在兵官宜損奪其
權又故事諸上書皆為二封書其一曰副領尚書者先
發其副封所言不善屏去不奏相復因許伯白去副封
以防壅蔽詔皆從其議又上封事薦張安世宜尊其位
為大將軍子延壽領宿衛 蕭望之傳地節三年京師
雨雹望之因上疏拜為謁者時上初即位思進賢良多

上書言便宜輒下望之問狀高者請丞相御史次者中
二千石試事滿歲以狀聞下者報聞或罷歸田里所白
處奏皆可 霍光傳霍山領尚書上令吏民得奏封事

不關尚書羣臣進見獨往來霍氏惡之

山雲既歸第
張敞上封事

列傳趙克國頌營平守節屢奏封章 蓋寬饒奏封事

劉更生上封事推春秋災異以救今事不宜宣泄臣

謹重封上

通鑑元帝
永光元年

谷永三上封事然後得召 京

房以建昭二年二月朔上封事 王嘉封還詔書奏封

事諫 王章奏封事言日食 翼奉上封事又因

舉直言極諫奏封事 後紀建武以後多因災異

令百寮各上封事 建武十年三月詔百寮上封事其上書不得言聖 光

武二 建武六年十月丁丑以九月丙寅晦日食 明帝一

永平八年十月壬寅晦日食既詔羣臣極言無諱於是在位者皆上封事言得失帝覽章深自引咎

以所上班 章帝一 永平十八年十一月甲辰晦日食 和帝一 永元七年

四月辛亥朔日食引見公卿問得失令將軍大夫御史謁者博士議郎郎官會廷中各言封事 安

帝一 建光元年十一月己丑地震 順帝一 永和元年正月 沖帝

一建康元年九月

桓帝二

建和元年四月地震延熹五年正月乙亥地震靈

帝三

建寧元年五月丁未朔日食二年四月雨
電四年二月詔公卿至六百石各上封事

傳郭躬章和元年上封事

劉儒桓帝時災異求

直言儒上封事十條極言得失

蔡邕熹平六年

詔羣臣各陳政要邕上封事

晉武帝太康七年

正月甲寅朔日食乙卯詔公卿大臣各上封事元

帝大興元年十一月雷雨詔羣公卿士各上封事

二年五月大饑十二月大赦並詔百官上封事

唐貞觀三年六月以旱蝗詔百辟上封事十一年七

月以水災詔百寮止封事

八月甲子魏徵奏曰今之封事謗木之流也又見後詔

百官言事

永徽五年正月以旱詔京文武九品已上及朝集

使進封事咸亨元年十月命五品已上上封事開元十

四年六月以旱命百官及州縣長官上封事乾元元年

四月詔京官九品已上上封事二年三月詔昔公卿面

諫令僕陞奏所以下竭其忠上聞其過兩省官十日一

上封事直論得失上元二年九月令諫官每月二上封

事廣德元年七月同二年三月詔曰為政者宣之使言
作事者稽之於衆上封事者宜令尚書省詳議可否大
歷八年八月貞元四年正月六年閏四月以旱順宗即
位正月元和十五年二月穆宗即位太和元年正月六
月開成元年正月一日並詔上封事

漢便宜章奏

列傳魏相為丞相

地節三年六月

上書諫擊匈奴

元康二年

相明易

經有師法好觀漢故事及便宜章奏以為古今異制方

今務在奉行故事而已數條漢興已來國家便宜行事
及賢臣賈誼晁錯董仲舒等所言奏請施行之奏故事
詔書凡二十三事又數表采易陰陽及明堂月令奏之
引高皇帝所述書相國臣何等議孝文帝時以二月施
恩惠頗非時節晁錯為太子家令奏言其狀或有逆賊
風雨災變郡不上相輒奏言之相數陳便宜上納用焉
蕭望之宣帝思進賢良多上書言便宜 張敞為京
兆朝廷每有大議引古今處便宜公卿皆服天子數從

之 杜延年昭帝時吏民上書言便宜有異輒下延年
平處復奏 匡衡數陳便宜及朝廷有政議傳經以對

漢公卿奏議 將相論議

成帝紀贊公卿稱職奏議可述 前匈奴傳河平元年
伊邪莫演言欲降下公卿議議者或言宜如故事受降
光祿大夫谷永議郎杜欽以為不如勿受對奏天子從
之 刑法志孝文將相皆舊功臣少文多質論議務在
寬厚 後祭祀志注東觀書曰永平三年八月丁卯公

卿奏議世祖廟登歌八佾舞名東平王蒼議云云章帝
賜蒼曰云云公卿議駁今皆并送 輿服志注東觀書

曰永平二年正月公卿議奏南北郊東平王議曰高祖
制長冠入宗廟光武建明堂立辟雍陛下以禮服龍袞
祭五帝今祭明堂宗廟圓以法天方以則地服以華文

象其物宜天地之禮冕冠裳衣宜如明堂之制

蒼傳與公卿共

議定南北郊冠冕車服制度

後傳陳寵為司空奏議温粹號為任

職相 第五倫奏議歸於寬厚 宋志侍御史二漢受

公卿奏事

漢刺史奏事

後百官志每州刺史一人諸州常以八月行所部郡國錄囚徒考殿最初歲盡詣京師都奏事中興但因計吏注胡廣曰歲盡齋所狀納京師名奏事差其遠近各有常會東觀書曰和帝初張酺上言臣聞王者法天熒惑奏事太微故州牧刺史入奏事所以通下問知外事也數十年以來重其道歸煩撓故時止勿奏事今因以為

故事臣以為刺史視事滿歲可令奏事如舊典問州中

風俗云云 列傳薛宣上疏曰方刺史奏事時宜明申

敕 翟方進遷朔方刺史再三奏事注師古曰刺史歲

盡輒奏事京師 何武為揚州刺史每奏事至京師武

奏事在邸

宋志歲終則乘傳詣京師奏事

陳遵居長安嘗有部刺史

奏事過遵 馮野王為上郡太守朔方刺史蕭育奏封

事薦言野王

漢羣臣書四品

胡廣傳文吏試箋奏注漢雜事曰凡羣臣之書通於天子者四品一曰章二曰奏三曰表四曰駁議章者需頭稱稽首上以聞謝恩陳事詣闕通者也奏者亦需頭其京師官但言稽首言下稽首以聞其中有所請若罪法劾案公府送御史臺卿校送謁者臺也表者不需頭上言臣某言下言誠惶誠恐頓首頓首死罪死罪左方下附曰某官臣甲乙上 蔡邕獨斷叙漢制有疑事公卿百官會議若臺閣有正處而獨執異意曰駁議其合於

上意者文報曰某官某甲議可 文選注謝恩曰章陳
事曰表劾驗政事曰奏推覆平論有異事進之曰駁兼
謂之上書 劉勰曰漢世善駁則應劭為首晉代能議
則傅咸為宗

漢名臣奏

唐志刑法類漢名臣奏二十九卷

隋志三十卷云名臣奏事又有丞相匡衡

大司馬王鳳奏五卷

陳壽漢名臣奏事三十卷

中興書目漢名

臣奏二卷一卷孔光元壽二年八月奏篇凡三一卷唐

林在新莽時奏篇凡十 史記河間獻王傳注引漢名

臣奏杜鄴奏

文選注引
杜鄴奏事

霍光傳注臣瓚案杜延年奏

藝文志注引漢名臣奏唐林云云 蔡邕傳注引漢

名臣奏張文上疏

文選注引
應劭等議

漢名臣奏曰張禹奏曰

案令丞相奏事司直持案長史將簿中二千石奏事皆
與其丞合

漢諸王奏事

唐志故事類十卷

漢南臺奏事

唐志刑法類二十二卷

隋志無漢字

順帝永建元年九月

辛亥初令三公尚書入奏事

漢白虎殿對策

成紀

兼杜欽等傳

建始三年十二月戊申朔日食其夜地震

未央宮殿中詔舉賢良方正能直言極諫之士杜欽谷
永上對皆以為後宮女寵大盛之咎四年夏上盡召直
言之士詣白虎殿

殿在未央宮

對策策曰天地之道王者之

法六經之義人之行取人之術當世之治各以經對欽

永對上皆以其書示後宮

唐志永
集五卷

漢建武以來章奏

東平王蒼傳肅宗建初八年正月

壬辰

詔東平中傅封上

蒼自建武以來章奏並集覽焉蒼永平二年議南北郊

三年議登歌舞名四年帝欲校獵河內上書諫朝廷有

大議驛使問答章帝賜書曰先帝每有著述典義之事

未嘗不延問王以定厥中蒼上言廟樂建初元年地震

蒼上便宜其事留中帝報書曰丙寅所上便宜三事朕

親自覽讀

隋志梁有
蒼集五卷

漢公車章奏

王符傳公車以反支日不受章奏明帝蠲其制

劉向云
章交公

車

明帝紀永平六年四月詔問者章奏頗有浮辭尚

書宜抑而不省 列傳竇融自河西召還京師光武問

所上章奏誰與參之曰皆從事班彪所為 第五倫為

會稽守坐法詣廷尉吏民上書者千餘人顯宗方案梁

松事詔公車諸為梁氏及會稽太守上書者勿復受

楊仁上便宜十二事顯宗嘉之 左雄掌納言每有章

表奏議臺閣以為故事陽嘉元年上言郡國舉孝廉請

先詣公府文吏課牋奏 郎顛順帝時公車召詣闕拜

章 胡廣察孝廉試以章奏安帝以廣為天下第一

蔡邕上封事錄所宜施行七事詔問曰宜披露得失具

對經術以皂囊封上章奏 皇甫嵩上表陳諫有補益

者五百餘事 史記東方朔至公車上書凡用

三千奏牘公車令兩人共持舉其書僅能勝之

漢置章御坐

周舉傳舉上書言當世得失辭甚切正尚書郭虔應賀等上疏稱舉忠直欲帝置章御坐以為規誠

漢魏對議

文中子述史篇漢魏禮樂其末不足稱也然書不可廢尚有近古對議存焉

注對若淳于俊馬昭曰三皇以德化民三王以禮為治議若夏侯玄

曰銓衡臺閣上之分
孝悌問里下之分

制志典冊則幾乎典誥矣

諸葛亮十六策

晁氏志兵家類武侯十六策一卷序稱謹進便宜十六
事治國君臣視聽納言察疑治民舉措考黜治軍賞罰
喜怒治亂教令斬斷思慮陰察陳壽錄孔明書不載此
策疑依託者

崇文
目同

書目文武奇編二卷亮撰

魏名臣奏議 魏名臣奏 魏臺訪議

魏志注魏書曰陳羣前後數陳得失上封事輒削其草

正始中詔撰羣臣上書以為名臣奏議朝士乃見羣諫
事皆歎息焉袁子曰羣談論終日未嘗言人主之非書

數十上外人不知君子謂羣於是乎長者

通鑑明帝青
龍四年十二

月癸巳頰陰
侯陳羣卒

隋志刑法類魏名臣奏四十卷陳壽撰

目一
卷

魏臺雜訪議三卷高堂隆撰南臺奏事二十二卷

魏王奏事十卷 唐志故事類魏名臣奏事三十卷魏

臺訪議三卷

文選注引
魏臺訪議

南臺奏事九卷 文心雕龍魏

代名臣文理迭興若高堂天文黃觀教學王朗節省甄

毅考課亦盡節而知治矣 前後漢書注引魏武奏事

高紀十年
顏注引之

三國志注太平御覽引魏名臣奏

晉諸公奏 便宜五事

隋志總集晉諸公奏十一卷 傅玄傳泰始中為散騎

常侍上便宜五事言農事得失水官興廢又安邊御胡

政事寬猛之宜

隋太平十二策

文中子世家仁壽三年文中子

王通字仲淹

西遊長安見隋

文帝帝坐太極殿召見因奏太平十有二策尊王道推

霸畧稽今驗古恢恢乎運天下於指掌矣

十二策編成四卷房玄齡

請習之子曰時異事變不足習也

中說述史篇十二策行于時則六

經不續矣關朗篇十二策何先必先正始者也

唐詔百官言事

紀貞觀三年六月壬午詔文武官言事

以

四年二月丁

巳以早詔公卿言事十一年七月癸未大雨水乙未詔

百官言事十三年五月甲寅以早詔五品以上言事十

七年六月甲午以旱詔京官五品以上言事

貞觀初導人使諫

中書門下及三品官入奏事必使諫官史官隨之諸司皆以正衙奏事及許李用事奏事官多俟仗下於御座前屏左右密奏御史及待制官遠立俟其退及宋璟為相欲復貞觀之政令對仗奏聞元和中元稹請復正衙事永徽元年六月庚辰地震詔五品以上言事四年四

月壬寅以旱詔文武官言事龍朔三年八月彗星出戊

申詔百寮言事總章元年四月丙辰彗星出詔內外官

言事咸亨元年十月庚辰詔文武官言事

以上元二年旱

言事

四月丙戌以旱詔百官言事儀鳳元年八月庚子詔文

武官言事

有禁星

開元一年正月壬午以闕內旱求直諫

五年十月甲申命史官月奏所行事十四年六月壬戌

詔州縣長官言事

三年五月以早詔諸司長官言得失

至德元載十月癸

未詔御史諫官論事勿先白大夫及宰相廣德二年十

二月乙酉令諫官每日奏事大歷八年九月戊子詔京

官五品以上兩省供奉官郎官御史言事十二年四月

癸巳詔諫官獻封事勿限時側門論事者隨狀面奏六

品以上官言事投匭者無勒副章十四年六月丙午德

宗詔六品以上清望官日二人待制元和九年十二月詔刑部大理官朔望入對大和元年五月戊辰罷宰臣奏事監搜大中三年三月詔待制官與刑法官諫官次對

唐魏徵諫事 諫錄 時務策

志雜家魏徵諫事五卷

舊志同

別集徵集二十卷又時務

策五卷

書日時務策一卷凡答問百篇

中興書目唐魏鄭公諫錄五

卷吏部郎中王絳撰集徵諫太宗一百三十事序曰採

雜一作

聽人謠參詳國典以成此錄自諫詔免租賦至太宗臨朝詔羣臣 魏徵傳凡二百餘奏無不剴切當帝心諫累數十餘萬言至君子小人反復言之上疏言十漸帝曰以所上疏列為屏障兼錄付史官使萬世知君臣之義嬖人言徵嘗錄前後諫諍語示史官褚遂良帝不悅 淳熙十三年讀陸贄奏議終篇六月十三日程大昌奏宣取諫錄覽觀詔繕寫以進

唐十漸疏

魏徵傳貞觀十三年

政要同

上疏極言曰陛下許臣以仁

義之道守而勿失儉約朴素終始弗渝頃年以來寢不克終貞觀初清靜寡欲今索駿馬訪怪珍此不克終一漸也貞觀初護民如子頃奢肆思用人力二漸也貞觀初役已利物比縱欲勞人三漸也貞觀初親君子比狎近小人四漸也貞觀初不貴異物不作無益今難得之貨並進玩好之作無息五漸也貞觀初求士如渴比以一人毀而奔讒佞得行六漸也貞觀初無田獵畢弋之

好數年後馳騁為樂七漸也貞觀初羣情上達今忠款
不申八漸也貞觀初孜孜治道比恃功業之大負聖智
之明無事興兵九漸也貞觀初矜育撫寧比關中勞弊
十漸也疏奏帝曰朕今聞過矣願改之以終善道方以
所上疏列為屏障庶朝夕見之兼錄付史官使萬世知
君臣之義 通鑑貞觀十三年旱甲寅詔五品以上封
事徵上疏以為比貞觀初漸不克終者凡十條

唐諫苑

諫林

隋諫苑

唐志雜家齊何望之諫林十卷

隋志五卷

宋虞通之善諫二

卷儒家于志寧諫苑二十卷

舊志雜家三十卷中志寧為太子右庶子撰

貞觀

諫苑以諷太子太宗大悅

王方慶諫林二十卷

宋書元徽元年七

月丁丑散騎常侍顧長康長水校尉何翌之表上所撰

諫林上自虞舜下及晉武凡十二卷

隋樂運字承業

常願處一諫官從容諷議乃發憤錄夏殷以來諫爭事

集而部之凡六百三十九條合四十一卷名曰諫苑奏

上之文帝覽而嘉焉

唐九諫書 安邦策

志別集郭元振九諫書一卷安邦策一卷

又集二十卷

兵書

類定遠安邊策三卷

唐姚崇十事

開元升平源先天二年十月癸卯

即開元元年

講武新豐召

同州刺史姚崇至諮天下事帝曰卿宜遂相朕崇知帝
銳于治先設事以堅帝意因跪奏願以十事聞度不可
行臣敢辭政先仁恕不倖邊功法行自近宦官不預政

租賦外絕貢獻戚屬不任臺省接大臣以禮羣臣得犯
忌諱絕道佛營造推此監戒為萬世法帝曰朕能行之

翌日甲辰拜兵部尚書同三品

吳兢撰開元升平源新
史采入本傳通鑑不取

志崇
集十卷

志小說類陳鴻開元升平源一卷 書目吳

兢撰開元升平源一卷以開元之治基於用崇也

唐平戎十八策

王忠嗣傳

唐時議

元結上三篇 宋朝种放十三篇

唐陸贄奏議

翰林奏草
中書奏議

志陸贄議論表疏集十二卷又翰苑集十卷韋處厚纂

權德輿序曰公字敬輿吳人公之秉筆內廷也論思

納獻鉅細必陳則有奏草七卷其在相位也推賢與能

舉直錯枉則有中書奏議七卷

今五卷

又詩文賦集表狀

為別集十五卷 陸贄奏議十二卷始於論兩河淮西

利害終於論兼并之家重於公稅元祐八年五月癸未

講讀官臣軾希哲安詩稷彥若祖禹大臨上言伏見唐宰相陸贄論深切於事情言不離於道德智如子房而文則過辨如賈誼而術不踈德宗以苛刻為能而贄諫之以忠厚德宗以猜疑為術而贄勸之以推誠德宗好用兵而贄以銷兵為先德宗好聚財而贄以散財為急至於用人聽言之法治邊馭將之方罪已以收人心改過以應天道去小人以除民患惜名器以待有功可謂進苦口之藥石鍼害身之膏肓欲取秦議校正進呈

淳熙八年六月壬寅有旨進讀陸贄奏議七月丙子令
日讀五板十三年三月癸卯令每讀以半帙為率侍讀
蕭燧等言德宗親聞贄言而棄之如土梗陛下追誦贄
語而寶之如元龜是年讀陸贄奏議終篇 崔端詩上

所集唐陸贄奏議總要二卷刪取可行之要始於君道
終於兵事其推明致理之原可以法其指陳當世之失

可以監

呂祖謙文鑑奏疏八
冊命崔端詩刪定

唐名臣奏議集

唐名臣奏

諫諍錄

欽定四庫全書

玉法
卷六十一

二十

志吳兢唐名臣奏十卷

崇文目
七卷

馬摠奏議集三十卷

摠集

類

會要元和十二年馬摠集武德至貞元奏議二十

卷

中興書目名臣奏議集二十卷

崇文
目同

唐州刺史馬

摠集唐羣臣奏疏論議分二十六門各載其爵里及論

事之意本末於篇首

崇文目唐諫諍集十卷唐直臣

諫奏七卷張易纂諫書八十卷

兩朝志唐奏議駁論

一卷

孟蜀趙元拱纂唐諫諍錄

通鑑考異引元
拱唐諫諍集

唐李絳論事集

李絳傳所論事萬餘言其甥夏侯以授蔣偕次為七篇

志別集李絳論事集三卷蔣偕集

又集二十卷
劉禹錫為序

書

目李司空論事七卷元和中論諫共數百事大中中史

官蔣偕編次

志云三卷數不
同者志之誤也

元豐中郭逢原為後序書

凡七卷偕之序及列傳俱以為七篇篇即卷也偕序謂
生平論諫凡數十百事今存于世者曰李司空論事集
七卷凡七十事云卷一之三摠二十七事卷四之七摠
四十有三事 安國寺碑之諫得賢興化之對

進歷代君臣之事迹論中尉出征之踰制請
早損百姓之放租皆致治之良規也留柳公綽論白
居易釋鄭絀之非漏言辨裴均之進銀器論裴武之
使鎮州皆賢哲之明辨也鎮州澤潞之事宜茂昭易
定之區畫延州魏博之事振武營田之益此又御
下服遠之長策也曰李錡財產請代租稅曰請驛
遞赦書以至論祭器論任賢金鑿之事然也舊例進
奉之有無官給斛斗之或闕版曹之事然也自論元義

方論太平以至惜官之對不同於他相採擇之非警悟
於君上既見於任輔弼之時論開納諫諍論塞上河曲
及北邊之事宜復形於解機政之後論下邳五坊敕使
與夫進鵠子之事不能自己於為刺史之日

通鑑考異引之

唐元和制策

志摠集類三卷元稹獨孤郁白居易

崇文目同

元和元年

四月丙午策試制舉之士稹郁居易及蕭俛沈傳師出

焉

稹拜左拾遺即日獻教本書數月間上封事六七

志別集劉蕢策一卷

大和
二年

唐策林

志摠集周仁瞻古今類聚策苑十四卷五子策林十卷

集許南容而
下五人策問

隋志策集一卷殷仲堪撰宋元嘉策孝

秀文十卷梁有孝秀對策十二卷

唐王起寫宣

志詔令類王起寫宣十卷 王起傅帝嘗以疑事令使
者質起具膀子附使者上凡成十卷號曰寫宣他撰集

亦多 唐故事中書舍人掌詔誥皆寫兩本一為底一
為宣崇文目有宣底八卷五代史云讀梁宣底見敬李
為崇政院使

建隆轉對 淳化次對

建隆三年二月甲午

二十三日

內出御札曰內殿起居

文班朝臣及翰林學士以次轉對指陳時政闕失

明舉朝廷急務事有要切許非時上章

一云詔常
參官每五

日以次
轉對

八月癸酉以次對章奏下尚書省集官參

詳可行者以聞淳化二年十一月丙申朔詔復百官次對

唐制百官入閣有待制次對官各舉論本司事興元
中詔延英坐日常令朝官三兩人面奏時政得失後
唐天成中詔百官每五日内殿起居拜舞訖退遂廢
待制次對之官每遇起居日令百官轉對言事長興
初停轉對有論奏許非時上言晉天福中詔五日起
居以兩人轉對各具實封以聞漢乾祐初陶穀奏停

許詣閣門拜章至是始復舊制每起居日常參官兩
人次對閣門受其章

咸平三年十一月壬午

二十一日

詔舉行轉對其未預次對

羣官詔上章奏事十二月壬子

九日

詔轉對章疏別錄一

本留中四年六月壬寅命梁顥薛映共詳中外章疏景
德三年四月乙未復詔轉對天聖七年三月二十四日

癸未詔曰設制策之科復登聞之匭云云令百官依舊儀

轉對六月辛卯

四日

命晏殊孔道輔等看詳轉對章疏及

檢院所上封事類次可行者以聞八年九月丙辰

六日轉

對已徧詔權罷皇祐五年五月二十六日詔兩制兩省

臺諫三館帶職省府推判官等次對言事直言無隱治

平四年四月辛酉詔學士承旨張方平詳定百官所上

封事十一月戊寅

四日

神宗詔舉舊章轉對十二月一日

御史臺言閣門儀制止是百官起居日轉對不載內朝

臣詔依儀制十八日詔轉對官增二員

起居日令
四人轉對

熙寧

元年上欲采用其言十一月四日以翰林學士司馬光

知制誥吳克同詳定轉對封章三年五月九日命三館
孫洙等同看詳十三日辛丑命司馬光詳定令中書取
旨元祐七年五月十八日吏書王存言文德殿視朝免
侍從官轉對專責以朝夕論思之效從之自此止卿監
郎官而已紹興二年五月戊子手詔用建隆故事行在
百官日輪一人轉對令極言得失八月癸丑詔職事官
輪對已周復令轉對五年二月庚子命孫近胡交修編
類章疏進入十二月十一日詔侍從免輪對有已見許

請對三十二年六月十五日孝宗詔面對班改用三八
日先是用二十七日詔百官日輪面對既周復舊 楊
一五日
大雅嘗因轉對上原治十七篇 慶厯二年五月甲
寅詔三館臣寮上封事及聽請對

開寶十策

太祖幸西都張齊賢以布衣獻策于馬前召至行宮問
以所言齊賢條陳十策一下并汾二富民三封建四崇
孝五舉賢六太學七藉田八選良吏九懲姦十慎刑太

祖賜束帛而遣之歸謂太宗曰朕不欲爵之以官
異時可使為相 咸平初王濟著備邊策十五條
以獻

雍熙諫藪嘉言

四年九月五日右拾遺趙昂編諫藪嘉言上之詔直史
館 趙湘上補政忠言十篇
雜家 真宗召判宗正寺賜白
金二百兩

淳化澄清畧

二年九月庚子王化基為中丞化基慕范滂之志獻澄
清畧言五事一復尚書省二慎公舉三懲貪吏四省冗

員五擇遠官上嘉納

實錄云
十事

景德策林

景德中設賢良方正科錢易擬白居易策林十篇上之

召赴中書試六論

又見
歲類

崇文目五子策林十卷

見
前

祥符諫史

二年十月己亥賜太常博士石待問緋魚待問集歷朝

諫疏曰諫史以進上嘉其勤故有是獎

志一
百卷

三朝奏議

書目五卷諫議大夫田錫撰

天聖輔弼名對 儒術通要 經濟樞言

元年七月龍圖直學士馮元等上徐州文學劉顏所撰
輔弼名對四十卷序曰自西漢迄于周凡十九代君臣
問答皆朝廷至務社稷令猷凡四十門并目錄共四十
一卷亦有位非公卿者兼錄之且吳兢撰貞觀政要止

述太宗趙瑩著君臣正論惟載唐室多采章疏不純取

問答故自歷朝專采名對

自漢涉唐至五代摛撫數千年間名臣所對有補於治

上謂輔臣曰顏書可采其錄本備覽觀仍除官獎之庚
午命為濟州任城簿六年五月壬子又命為青州觀察
推官顏又著儒術通要經濟樞言石介見之恨不得在
弟子列

康定獻納大典

元年九月四日

丙辰

學士晁宗慤等上大理評事蘇舜賓

所集獻納大典百卷集歷代諫爭奏議詔送史館

至和章奏簿

至和二年八月乙未知諫院范鎮言先朝以御寶印紙給言事官使以時奏上以知得失而殿最之請據今御史諫官見員置章奏簿於禁中時觀省之仍以中書舊所置簿具其言行否每季錄付史官 建炎元年十二月戊寅詔臺諫論奏自來年正月為首置簿令大臣擇其已施行者編寫進入

嘉祐五規

嘉祐六年八月十七日知諫院司馬光上保業惜時遠
謀重微務實 元豐八年六月癸未侍讀呂公著奏十
事畏天愛民修身講學任賢納諫薄歛省刑去奢無逸
寧宗龍潛時親書公著十事

元豐諫林

二年五月十四日辛巳太子少師致仕趙槩上所集諫
林一百二十卷

集古今
諫爭事

詔獎諭以勸為學老而無斃者

置諸坐隅間用究觀

御集諫書

兩朝志有御集諫書八十卷

建炎十議

元年六月庚申右僕射李綱入見上十議國是巡幸赦
令僭逆偽命戰守本政久任修德

紹興宣示陳襄章藁

熙寧經筵薦司馬光至鄭俠三十三人紹興元年十一

月十九日手詔宣示百辟卿士令各舉所知

襄所薦德行言語

事文學

皆備

紹興進至和嘉祐章疏

二十八年冬利路提刑范如圭奏漢胎養令遂纂至和嘉祐名臣乞選建宗室章疏三十六篇囊封以進明年九月甲午右相陳康伯奏曰如圭可謂愛君之至

紹興集諫

闕
年起居郎王居正次前世聽納事為集諫十五卷廣

上意

乾道章奏籍

真宗詔中書置籍記諫官御史之言事行與不行歲終

具奏仁宗時范鎮請禁中及中書密院各置章奏簿上

以備觀覽之遺忘下以責大臣之銷注

詔中書臺諫官言事簿以時銷

注仍錄與密院又見上

建炎中聖訓曰朕除言官即置一簿考所

言多寡此祖宗舊制也司諫趙鼎言四十事已行三十

六事即除侍御史

紹興五年二月庚子命翰林學士孫近等編類奏疏進呈

乾道二

年九月秘書少監汪大猷言陛下樂聞忠言內之臺諫外之監司郡守又有輔臣之轉對公車之召見隆寬廣問殆無虛日欲望凡臺諫侍從章奏各置一簿隨所上錄之一留禁中時備觀覽或可采付外施行一授大臣使詳閱庶幾言皆底績二十四日甲子詔臺諫章奏置籍以便觀覽五年五月癸亥詔臣寮論事並置籍看詳可行者以聞九年十一月癸巳起居舍人趙師訓請撮其樞要立為篇目繕寫進呈以備乙覽從之孝宗於羣

臣章奏取其所當行者疏之小冊以示大臣或御便坐則寘于香几羣臣皆得就觀又有記事版書其要旨以備遺忘

淳熙國朝名臣奏議

乾道二年陳確進名臣奏議三十門二十卷五月十八日詔遷

秩洪邁為之序淳熙十三年正月一日詔趙汝愚進所纂集

國朝名臣奏議君道至邊防終之以總議凡一百五十卷目錄五卷始建隆訖靖康因事為目以類分次其序

曰觀建隆以來諸臣章奏攷尋歲月蓋最盛於慶厯元祐之際而莫弊於熙寧與紹聖之時陛下嘗命儒臣編類文鑑奏疏百五十六篇猶病其大畧俾臣盡獻其書萬幾餘間幸賜紬繹觀慶厯元祐諸臣詞直計從而見效如此熙寧紹聖諸臣言切放逐而致禍如彼可以監矣

汝愚言欲擇其精要切治道者每十卷一次投進於間燕賜考詳

一本云汝愚以

名臣議論次成三百卷擇其中尤切治道者為百五十卷上之孝宗諭宰臣周必大等曰治道盡在此矣洎登

樞筦叙謝重華宮孝宗曰朕嘗看此書可與資治通鑑
並行嘗欲易名其書為治道集蓋用獎諭之語 紹熙

五年八月寧宗命侍讀京鏗讀名臣奏議

又呂祖謙編
十卷二百篇

國朝中興諸臣奏議

李壁編 序曰丞相忠定趙公汝愚肇自藝祖以至欽
宗凡諸臣所論類而輯之建炎中興無異創業人物之
盛不減嘉祐治平一時所言國賴以濟尋訪歷年十僅
得其五六裒綴雖未為盡而名公巨人建明之偉者大

較具此矣畧倣趙公凡例摠為十八門別而彙之又二百門通為四百五十卷凡修德典學之序正家善俗之方事天罪已之誠用賢納諫之公愛惜名器辨別忠邪屏浮侈尚勤約戒苛刻本忠厚上而郊廟禮文詔誥賞罰次而官制職守學校薦舉與夫議獄斷刑阜通財貨消弭盜賊勤恤民隱切於政者靡不具焉而其時最大而莫先者則嘗膽之志未伸興復之義未明如擇將訓兵申倣軍實料敵制勝經理邊防曰海道曰江淮荆襄

曰川陝地形阨塞戍守疎密開卷瞭然有同圖繪斟酌
損益有裨於今者惟高廟朝謀議莫詳焉故今纂次終
於紹興其有繫國家大計生民休戚事已見於前而至
孝宗初始定者則仍取後來所論附之逐事之末其是
非同異之實不可得而掩也

經筵奏下
本州錄進

嘉紹本議

淳祐

闕

年上未有繼嗣吳泳合嘉祐紹興諸臣奏疏共

六十三篇分為三卷參考事實疏于下自為說發明之

兩漢策要

六卷陶叔獻纂

奏之為筆固以明允篤誠為本辨析疏通為首強志足以成務博見足以窮理酌古御今治繁摠要此其體也若乃按劾之奏所以明憲清國是以立範運衡宜明體要必使理有典刑辭有風軌摠法家之式秉儒家之文不畏彊禦氣流墨中無縱詭隨聲動簡外乃稱絕席之雄直方之舉也對策者應詔而陳政也射策者探事

而獻說也

漢書注射之言授也對策者顯問以政事

古者造士選事考言

漢文中年

十五年

始舉賢良晁錯對策蔚為舉首孝武

旁求俊乂對策者以第一登庸

公孫弘

射策者以甲科

入仕

兒寬以射策為掌故

觀晁氏之對驗古明今仲舒之對祖


述春秋

武帝即位舉賢良文學之士策凡三道

公孫之對簡而未博杜

欽之對畧而指事

又谷永杜鄴直言策



玉海卷六十一

欽定四庫全書

子部

玉海卷六十二

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣戴均元

謄錄監生_臣鄒貽詩

欽定四庫全書

玉海卷六十二

宋 王應麟 撰

藝文

論

鄭康成曰論者綸也可以經綸世務劉熙曰論倫也
有倫理也劉勰曰聖哲彞訓曰經述經叙理曰論陳
政則與議說合契釋經則與傳注參體辯史則與贊

評齊行銓文則與叙引共紀彌綸群言而研精一理者也

漢素王妙論

史記越世家注太史公素王妙論云范蠡本南陽人正義二卷七略云司馬遷撰 隋志五行類梁有太史公素王妙議二卷 太平御覽太史公素王妙論曰諸稱富者非貴其身得志也乃貴恩覆子孫澤及鄉里也黃帝設五法布之天下用之無窮蓋世有能知者莫不尊

親如范子可謂曉之矣管子設輕重九府行伊尹之術則桓公以霸范蠡行十術之計二十一年之間三致千萬再散與貧太史公自序司馬談習道論於黃子論

六家之要指陰陽儒墨名法道德

文中子謂史談善述九流

漢鹽鐵論

藝文志儒家桓寬鹽鐵論六十篇

本議第一曰惟始元六年有詔使丞相御

史與所舉賢良文學問民疾苦

注師古曰寬字次公汝南人也孝昭帝

時丞相御史與諸賢良文學論鹽鐵事寬撰次之昭

紀始元六年二月詔有司問郡國所舉賢良文學民所
疾苦議罷鹽鐵權酤秋七月罷權酤官贊光知時務之
要輕徭薄賦與民休息至始元元鳳之間匈奴和親百

姓充實舉賢良文學問民所苦議鹽鐵而罷權酤

中興書目

云雜論致理之言
崇本抑末之書也

食貨志昭帝即位六年詔郡國舉

賢良文學之士問以民所疾苦教化之要皆對願罷鹽
鐵酒權均輸官毋與天下爭利視以儉約然後教化可
興弘羊難以此國家大業所以制四夷安邊足用之本

不可廢也迺與丞相千秋共奏罷酒酤

取下篇曰公卿
愀然遂罷議奏

且罷郡國權酤
關內鐵官奏可

杜延年傳舉賢良議罷酒酤鹽鐵皆

自延年發之

車千秋傳始元六年詔郡國舉賢良文

學之士問以民所疾苦於是鹽鐵之議興焉

注師古曰
議罷鹽鐵

之官百姓皆得煮鹽鑄
錢因總論政治得失也

贊曰所謂鹽鐵議者起始元中

徵文學賢良問以治亂皆對願罷郡國鹽鐵酒權均輸

務本抑末毋與天下爭利然後教化可興御史大夫弘

羊以為不可廢當時相詰難頗有其議文至宣帝時汝

南桓寬次公治公羊春秋舉為郎至廬江太守丞博通

善屬文推行鹽鐵之議增廣條目極其論難著數萬言

亦欲以究治亂成一家之法焉

師古曰即今之所行
鹽鐵論十卷是也

其

辭曰觀公卿賢良文學之議異乎吾所聞聞汝南朱生

子伯言當此之時英俊並進賢良茂陵唐生文學魯國萬

生之徒六十有餘人咸聚闕庭舒六藝之風陳治平之

原知者贊其慮仁者明其施勇者見其斷辯者騁其辭

斷斷焉行行焉雖未詳備斯可略觀矣中山劉子推

論作

劉子
雍

言王道矯當世反諸正彬彬然宏博君子也九江

祝生奮史魚之節發憤懣譏公卿桑大夫據當世合時
變上權利之畧雖非正法鉅儒宿學不能自解車丞相
履伊呂之列當軸處中括囊不言容身而去若夫丞相
御史兩府之士不能正議以輔宰相阿意苟容以說其

上 隋志儒家鹽鐵論十卷漢廬江府丞桓寬撰

唐志
崇文

目中興書
目卷同

鹽鐵論六十篇卷一本議力耕通有錯幣

禁耕復古卷二非鞅晁錯刺權刺復論儒憂邊卷三園

池輕重未通卷四地廣貧富毀學褒賢卷五相刺殊路
頌賢遵道論誹孝養刺議利議國疾卷六散不足救匱
鹽鐵箴石除狹疾貪後刑授時水旱卷七崇禮備胡執
務能言鹽鐵取下擊之卷八結和誅秦伐功西域世務
和親卷九繇役險固論勇論功論鄒論蓄卷十刑德申

韓周秦諸聖大論雜論凡六十篇

後百官志注史記荆軻傳注引漢鹽鐵論

漢桓譚新論

桓譚傳譚博學多通徧習五經尤好古學從劉歆揚雄

辨析疑異著書言當世行事二十九篇號曰新論上書
獻之世祖善焉琴道一篇未成肅宗使班固續成之注
新論一曰本造二王霸三求輔四言體五見徵六譴非
七啓寤八祛蔽九正經十識通十一離事十二道賦十
三辨惑十四述策十五閔友十六琴道本造述策閔友
琴道各一篇餘並有上下東觀記曰光武讀之敕書卷
大今皆別為上下凡二十九篇東觀記曰琴道未畢但
有發首一章 唐志儒家桓子新論十七卷

隋志同梁
有集五卷

高帝紀陳平祕計注師古曰應劭之說出新論 夏
侯湛亦有新論十卷並在儒家華譚新論十卷 吳顧
譚著新言二十篇薛瑩著書八篇名曰新議 賈誼新
書陸賈新語劉向新序裴玄新言

漢王命論

叙傳班彪著王命論言高祖之興有五 一曰帝堯之苗
裔二曰體貌多奇異三曰神武有徵應四曰寬明而仁
恕五曰知人善任

唐志彪
集三卷

傅幹王命叙言世祖之興

有四曰帝皇之正統形相多異表體文而知武履信而

好士

文選注引傅幹王命叙

漢沛王通論 演經雜論

沛獻王輔傳輔矜嚴有法度好經書善說京氏易孝經
論語傳及圖讖作五經論時號之曰沛王通論 曹褒
傳作通義十二篇演經雜論百二十篇又傳禮記四十
九篇慶氏學遂行於世

漢論衡 六儒論

王克傳字仲任會稽上虞人好論說始若詭異終有理實以為俗儒守文多失其真乃閉目潛思絕慶弔之禮戶牖牆壁各置刀筆著論衡八十五篇二十餘萬言釋物類同異正時俗嫌疑克造養性書十六篇注袁山松書充聰明入太學觀天子臨辟雍作六儒論克作論衡中土未有傳者蔡邕入吳始得之常祕玩以為談助其後王朗為會稽太守又得其書及還許下時人稱其才進或曰不見異人當得異書問之果以論衡之益由是

遂見傳焉抱朴子曰時人疑蔡邕得異書或搜求其帳
中隱處果得論衡數卷持去邕丁寧之曰唯我與爾共

之勿廣也

唐志雜家王充論衡三十卷

隋志二十九卷今本亦

三十卷八十五篇逢遇
第一至自紀八十五

韓愈三賢贊閉門潛思論衡

以修

崇文目有續論衡二十卷

當攷

漢潛夫論

王符傳字節信自和安之後世務游宦當塗者更相薦
引而符耿介不同於俗以此遂不得升進志意蘊憤乃

隱居著書三十餘篇以譏當時得失不欲章顯其名故號曰潛夫論其指訐時短討擿物情足以觀當時風政著其五篇云爾貴忠篇浮侈篇實貢篇愛日篇述赦篇唐志儒家王符潛夫論十卷隋志同崇文目同韓愈三賢贊述赦之篇其旨甚明

漢六藝論

隋志論語類

唐志經解類

六藝論一卷鄭玄撰

別集類鄭玄集二卷

漢禦寇論

趙岐傳延熹九年應胡廣之辟會南匈奴烏桓鮮卑叛
公卿舉岐擢并州刺史岐欲奏守邊之策未及上會坐
黨事免因撰次以為禦寇論注決錄注曰是時網維不
攝閣官專權岐擬前代連珠之書四十章上之留中不
出

漢政論

崔寔傳字子真少沈靜好典籍桓帝初詔公卿郡國舉
至孝獨行之士寔以郡舉詣公車病不對策除為郎

通監

元嘉元年十一月

明於政體吏才有餘論當世便事數十條名

曰政論指切時要言辨而確當世稱之仲長統曰凡為人主宜寫一通置之坐側其辭曰漢興以來三百五十餘歲矣政令垢翫上下怠懈風俗彫弊人庶巧偽咸復思中興之救矣且濟時拯世之術豈必體堯蹈舜然後乃理哉期於補綻決壞枝柱邪傾隨形裁割要措斯世於安寧之域而已故聖人執權遭時定制步驟之差各有云設不強人以不能背急切而慕所聞也昔孔子對

葉公以來遠哀公以臨人景公以節禮非其不同所急
異務也今縱不能純法八世固宜參以霸政嚴之則理
寬之則亂宣帝嚴刑峻法海內清肅元帝多行寬政為
基禍之主文帝以嚴致平非以寬致平也當大定其本
使人主師五帝而式三王弃苟全之政蹈稽古之蹤復
五等之爵立井田之制然後選稷契為佐伊呂為輔云
云論曰雖晁錯之徒不能過也贊曰崔為文宗世擅雕
龍子真持論感起昏俗 唐志法家崔氏政論六卷

隋志

同作正論梁有五原太守崔寔集二卷錄
一卷 舊唐志崔氏正論五卷崔寔撰

司馬公曰

寔論以矯一時之枉非百世之通義 隋唐志法家魏

劉廙阮武政論各五卷

隋志阮子正論

雜家陸澄述政論十三

卷

選注引阮子政論又引崔寔本論

漢仲長統昌言

仲長統傳字公理建安中統為尚書郎參丞相操軍事

通監十一年

每論說古今及時俗行事常發憤歎息因著論

名曰昌言凡三十四篇十餘萬言繆襲稱統才章足繼

西京董賈劉揚今簡撮其書有益於政者略載云理亂

篇損益篇法誠篇 隋志雜家仲長子昌言十二卷錄

一卷漢仲長統撰

唐志儒家十卷 崇文目二卷 魏志注云二十四篇

中興

書目今存十六篇餘皆缺

八卷 雜家

文選注引仲長子昌

言

漢申鑒

荀悅傳建安中遷秘書監侍中

通監十年

志在獻替而謀無

所用乃作申鑒五篇其所論辨通見政體既成奏之其

畧曰道之本仁義而已五典以經之群籍以緯之前鑒

既明後復申之為政之術先屏四患乃崇五政養生正

俗章化秉威統法又著崇德正論及諸論數十篇

其自著漢

記嘗載其畧范曄通篇首數百言及次篇尚主之制備置史官之法

隋志儒家五卷

唐志

同

中興書目今所載政體時事俗嫌雜言上下凡五

卷

本傳止載政體篇
文選注引申鑒

漢德論

劉毅傳封平望侯

北海敬王子

少以文辨稱元初元年上漢

德論并憲論十六篇

一云十
二篇

劉珍馬融共上書稱其美

安帝嘉之拜議郎賜錢百萬

文選演連珠注班固功

德論曰朱軒之使鳳舉於龍堆之表

曹植有魏德論

文選注
引之

漢四子講德論

見詩類

漢明世論

杜篤傳著明世論十五篇

文選魏都賦注引杜篤通

邊論

漢辨和同論 崇厚論

劉梁傳字曼山常疾世多利交以邪曲相黨乃著破羣論時之覽者以為仲尼作春秋亂臣知懼又著辨和同

論云云

隋志劉梁集二卷

朱穆傳字公叔感時澆薄作崇厚

論云云注穆著論甚美蔡邕嘗至其家自寫之

穆集二卷

晉劉寔崇讓論

漢七曜論

劉陶傳字子奇拜諫議大夫著書數十萬言作七曜論

正老子反韓非復孟軻

隋志陶集三卷梁二卷

後漢文武釋論

舊唐志雜史後漢文武釋論二十卷 王越客撰

魏聖證論 晉禮樂聖真論

王肅傳肅善賈馬之學而不好鄭氏采會同異為尚書詩論語三禮左氏解撰定父朗易傳皆列學官時樂安孫叔然炎授學鄭玄之門人肅集聖證論以譏短玄叔

然駁而釋之及作周易春秋例毛詩禮記春秋三傳國

語爾雅諸注又著書十餘篇 隋志聖證論十二卷 鄭難

玄 唐志經解類十一卷 通典引之 又有王肅政論十卷 興殷

續 隋志 正論十卷 元澹曰王肅規鄭玄數千百條鄭學馬昭

詆劾肅短詔遣博士張融按經問詰融推處是非而肅

酬對疲於歲時 禮記正義案聖證論王肅難鄭馬昭

申鄭云張融謹案郊與圓丘是一為鄭學者馬昭等通

之 晉皇甫謐傳號玄晏先生著禮樂聖真之論

魏中論

徐幹傳字偉長北海人病辭人工麗美之文乃著中論
二十篇闡宏大義以示學者其書雜論治道修身學問
之要旁及歷象壽夭之說注魏文帝書曰偉長懷文抱
質恬淡寡欲有箕山之志著中論三十餘篇辭義典雅
足傳於後

文選注
引中論

隋志儒家徐氏中論六卷魏太子

文學徐幹撰

梁目一卷 唐
志崇文目卷同

曾鞏目錄序貞觀政要

太宗稱嘗見幹中論復三年喪篇而今書此篇缺攷之

魏志稱二十餘篇世所有者非全書也幹能考六藝推仲尼孟軻之旨述而論之求其辭時有小失要其歸不合於道者少矣其所得於內者又能信而克之有去就顯晦之大節因其書以求其為人又知其行之可賢也

李獻民云別本有復三年制後二篇筆持不見之爾

中興書目十卷今本二十

篇分上下兩卷上帙治學法象修本虛道貴驗貴言藝紀覆辨智行爵祿下帙考偽譴交厯象別天壽說藝審大臣謹所從亡國賞罰民數

魏典論

隋志典論五卷魏文帝撰

魏陳思王征蜀論

春秋正義陳思王征蜀論云下礪成雷榛殘木碎

魏德論

文選王元長序注曹植魏德論曰越八九於往素踵黃
帝之靈矩

魏萬機論

蔣濟傳字子通上萬機論文帝善之 隋志雜家八卷

唐志十卷
舊志八卷

書目蔣子萬機論十卷凡五十五篇雜論

立政用人兵家之說及考論前賢故事雜問

三國志注
引萬機論

唐志雜家陸澄述正論十三卷

隋志述
政論

晉楊偉撰時

務論十二卷

隋志
同

魏體論 篤論

杜恕傳著體論八篇

隋志四
卷儒家

又著興性論一篇

興於為
已也

唐志雜家杜恕篤論四卷鍾會蒯萇論五卷

隋志
同

劉劭樂論

見人志

唐志法家劉氏

劭法論十卷

隋志梁有之

桓範世要論十二卷梁二十卷文選注引之

宋朝邵亢體論十卷論王體

者三教體者四兵體者五政體者十三凡二十五篇

魏要論

隋志儒家梁有周生子要論一卷錄一卷魏侍中周生

烈撰袁子正論十九卷袁準撰梁又有袁子正書二十

五卷魏曹羲作至公論王蔚善之而著至機論辭義

甚美唐志法家陳子要言十四卷

陳融隋志云吳豫章太守

任子道論

隋志道家任子道論十卷

舊唐志同

魏任嘏撰梁有養生論

三卷嵇康撰

晉阮籍著達莊論

王坦之著廢莊論

坦之非時俗放蕩不崇儒教頗尚刑名著廢莊論

孔嚴著通葛論坦之贊美

之

九州人士論

舊唐志名家九州人士論一卷盧毓撰

晉五等論

陸機傳以聖王經國義在封建著五等論又作辨亡論

二篇

魏曹罔

宗室

字元首作六代論

晉安邊論

徙戎論

杜預傳拜度支尚書建安邊論處軍國之要 江統傳

時關隴屢為氐羌所擾統深懼四夷亂華宜杜其萌作

徙戎論

一本云元康九年正月太子洗馬江統云云

伏滔傳徙桓温伐袁

真至壽陽

咸安元年

著論二篇名曰正淮上篇曰自戰國至

晉中興六百餘年保淮南者九姓稱兵者十一人皆亡

不旋踵壽陽東連三吳之富南引荆汝之利北接梁宋
平塗不過七百西援陳許水陸不出千里龍泉之陂良
疇萬頃舒六之貢利盡蠻越其俗尚氣其人習戰先王
之宰天下選於有德訪於三吏正分位明等級畫封疆
宣政令 宋何承天上安邊論陳四事

晉五行三統論

索靖傳作五行三統正驗論辨理陰陽氣運 隋志梁
有三統五德論曹思文撰

晉翰林論

隋志摠集翰林論三卷晉著作郎李充撰

梁五十四卷
唐志文史

類三卷

中興書目凡二十八篇論為文體要

文選注初
學記引翰

翰林

文心彫龍魏文述典陳思序書應瑒文論陸機文

賦仲冶流別弘範翰林又云翰林博而寡要

晉竹林七賢論

唐志傳記類戴逵竹林七賢論二卷孟仲暉七賢傳七

卷

晉公謙論

王坦之傳與殷康子書論公謙之義曰公道體於自然
故理泰而愈降謙義生於不足故時弊而義著康子及
袁宏並有疑難坦之標章摘句一一申而釋之 韓伯
傳坦之著公謙論袁宏作論難之伯作辨謙以折中曰
懲忿窒欲著於損象卑以自牧實繫謙爻皆所以存其
所不足拂其所有餘

晉新論 物理論

隋志新論十卷散騎常侍夏侯湛撰梁有楊子物理論

十六卷徵士楊泉撰

文選注引之

隋興衰要論

文中子文中子之父王隆以博士待詔雲龍門承詔著

興衰要論七篇每奏帝稱善

王道篇曰其言六代得失明矣

唐帝王畧論

志雜家虞世南五卷

崇文目同舊史雜史類

中興書目貞觀間

太子中舍人世南承詔撰起太昊訖于隋凡帝王事迹

皆畧紀載假公子荅問以攷訂云

唐封建論

會要貞觀二年十二月十六日太宗問子孫長久之道
蕭瑀對以封建上然之始議封建禮部侍郎李百藥論
曰云云乃欽明昏亂自係安危非守宰公侯以成興廢
唐宗室傳帝與名臣蕭瑀喟然講封建事而魏徵李
百藥皆謂不然天子由是罷不復議 劉秩政典文皇
惠侔前古下無山甫將明之才乃聽百藥偏昧之說百

藥不詳秦漢晉宋齊隋得失之異謂不足法復忽淳于
賈曹劉陸成敗之說委之天命天之所命人事而已棄
人事捨天理滅聖智任存亡也 柳宗元有封建論

唐聖德論

通監貞觀六年閏七月戊辰祕書少監虞世南上聖德
論上手詔稱卿論太高朕何敢擬上古但比近世差勝

耳

實錄八月
戊辰上

武德九年四月給事中歐陽詢上帝德

論

唐列藩正論 正論 忠孝論 十代興亡論

析滯論

志儒家武后列藩正論三十卷

雜傳記類云 章懷太子

儲光羲正

論十五卷

開元進士

法家李敬玄正論三卷 儒家又有袁子

正論二十卷

詩靈臺疏引袁準正論云 明堂宗廟太學非一體也

正書二十五卷

袁準 晉人 隋志十九卷

千寶正言十卷 雜家朱敬則十代興亡論

十卷

魏晉至周隋 賢忠義之節

聖歷中撰各載一代興亡之迹先 淳化二年閏二月巳丑祕書監李

至等獻新補注正言十代興亡 論十部十卷手詔荅之藏祕閣

許王素節傳著忠孝

論自明 盧藏用傳以俗徇陰陽為析滯論以暢其方
徐彥伯傳武后時王公卿士以言語為酷吏所排彥
伯著樞機論以為世戒

唐大衍論

舊史僧一行尤明著述撰大衍論三卷改撰新歷推周
易大衍之數立術以應之撰開元大衍歷經

唐君臣政理論

志儒家楊相如君臣政理論三卷

崇文
目同

書目開元十

三年河南府陸渾主簿楊相如撰上中卷論君臣之體
下卷論治理之要 咸平五年十月十七日幸龍圖閣

觀五經圖賜宴次御資政殿觀楊相如政要論

即政
理論

天聖四年閏五月學士宋綬錄進 晉張昭撰唐朝君
臣正論二十五卷上之

唐八卦論

唐書蘇晉數歲知為文作八卦論人謂後來王粲 魏

志注文章序錄曰裴秀著易及樂論 裴頠著崇有貴

無二論以矯虛誕之弊 書目張說才命論一卷假才
命荅問以叩窮達之理又隨句注釋

唐五代論

于休烈傳肅宗中興文物未全休烈獻五代論討著舊

事天子嘉之

舊史云五代帝王論

宋朝韓丕著五代興亡論

唐戰論守論

杜牧傳作罪言原十六衛作戰論守論

唐福祿論

舊史孫思邈撰五卷

咸平資政論

咸平四年十二月乙卯工部侍郎致仕朱昂上資政論
三卷論時政賞罰得失且言天下至廣宜急於擇才以
張治具倘限以常牒則英俊無由升舉詔付史館仍寫

本留中

會要實錄作資理
資理
論三卷凡六篇崇文目同

祥符製勤政論

咸平元元論

咸平四年十一月丁亥上御龍圖閣召輔臣觀太宗御

書移御崇和殿閱張去華所著元元論

二萬餘言大指以養臣務穡為

急上命寫以縑素為一十八軸列置龍圖閣之四壁

國田圖上曰養民之道稼

穡為先冀兵革粗息可以力行其事富庶吾民矣去華

雍熙中獻大政要錄三十篇祥符五年漕漕臣上湖州

進士許既濟所著四民論授本州助教

六月二十九日

景德聖德論

四年八月丁未直祕閣錢惟演上聖德論

天聖演聖通論

天聖五年十二月二十二日祕書監胡旦上七十二卷

駁正
五經

景祐元年七月壬辰又上續演聖通論

崇文目云
三十六卷

胡旦演聖通論六經傳注得失易十六卷書七卷
詩十卷禮記十六卷而春秋論別行博辨精詳學者宗
焉

康定通志論

康定元年十二月十七日翰林學士王堯臣上祕書丞

蔡直

一作
旦

通志論十三篇備言攻守之策如其可采乞

於陝西緣邊任使詔知乾州

慶厯朋黨論

歐陽修

至和兵民總論

三年正月趙肅上十卷

定州進士

范仲淹為四論以獻譏

指時政仁宗頗以好名為非田況著論上之

紹興時政論

胡安國為時政論二十篇紹興二年七月乙丑安國

為給

事中入對曰臣聞保國必先定計定計必先定都建都擇

地必先設險設險分土必先遵制制國以守必先恤民
行此有道必先立政立政有經必先核實然顧人主志
尚如何耳尚志所以立本也正心所以決事也養氣所
以制敵也宏度所以用人也寬隱所以明德也具此五
者帝王之能事備矣乞以覈實而上十有五篇付宰相
參酌施行

安國又有
制國論

先是建炎三年四月以給事中召

安國未至先上中興策十四篇 施昌言上政論三十

篇

紹興十君論

紹興六年四月宋藻上所著十君論名對辛丑補迪功郎

紹興中興統論

紹興十二年五月十七日辛亥給事中程克俊言漢州布衣陳靖所獻中興統論其三始五要八實之說深明治體論事之外自為文章詔補右迪功郎 紹興十六

年吳澥進寡見論責實論各二卷謹始論五卷九月六日詔免解二年閏四月二十四日林珣進砭石論可采名赴都堂審察六年十月二十七日王湛上負薪論循資八年二月二日吳武陵獻更化論循資十六年三月二十六日徐存上鑑古十論免解乾道六年正月十八日王信進十論除學官

紹興八朝聖孝通紀論 三朝正論

紹興十四年三月戊寅王銍獻祖宗八朝聖孝通紀論

詔遷一官 五年四月庚午曾紆上其父布所著三朝

正論二卷詔付史館

以布熙寧記市易本末及紹聖以來奏對要語集為正論

乾道恢復十論

乾道七年太常簿趙粹中進恢復機密十論俾邊帥招中原之人用竒以擣燕山又進制狄權鑑取書傳制狄之說參考歷代事迹總歸條例為十六門四十卷又富彊要策十卷專論屯田 文心雕龍自論語以前經無

論字六韜二論後人追題

六韜霸典文論文師武論

莊周齊物以論

為名

莊子內篇齊物論第二

不韋春秋六論昭列

呂氏春秋六論三十六篇

石

渠論藝

隋志石渠禮論四卷戴聖撰

白虎講聚

肅宗會諸儒講論五經作白虎通德論

迷聖通經論家之正體也班彪王命嚴尤三將

太平御覽引嚴

尤三將論 唐志雜家一卷

蘭石之才性

傅嘏 嘏論才性同異鍾會集而論之

仲宣

之去伐

隋志王粲去伐論集三卷

叔夜之辯聲

嵇叔夜聲無哀樂論見世說注

太初

之本玄

夏侯玄著樂教張良及本無肉刑論

輔嗣之兩例平叔之二論

隋志

何晏撰老子道德論二卷又見世說以所注老子為道德二論

並師心獨見鋒穎精密

蓋論之英也李康運命陸機辨亡

並見文選

宋岱郭象

晉宋岱周

易論一卷郭象注

選注引郭象論

夷甫裴頠

裴頠著崇有論王衍之徒攻難交至頠著崇有貴無

二論以
橋虛誕

並獨步當時流聲後代

序贊

序緒也緒述其事使相肩續贊明也稱人之美曰讚

漢新序

見著書類

漢劉向揚雄所序

見著書類 漢藝文志劉向所序六十七篇揚雄所

序三十八篇 唐志別集類向集五卷雄集五卷

書目
雄集

六卷四十三篇向
集五卷十八篇

漢梁竦七序 傅幹王命叙

見論類

梁竦傳閉門自養以經籍為娛顯宗時著書數篇名曰
七序班固見而稱曰孔子著春秋而亂臣賊子懼梁竦
作七序而竊位素餐者慙 文選注引傅幹後漢王命

叙

漢三輔耆舊節士序 名德先賢贊

隋志後漢光武始詔南陽撰作風俗故沛三輔有耆舊
節士之序魯廬江有名德先賢之贊郡國之書由此而
作魯沛三輔序贊並亡 蜀志楊戲以延熙四年著季
漢輔臣贊其所頌述多載于蜀書 北史李仲尚著前
漢功臣序讚

漢河南尹壁贊

見牧守類 京兆五守西漢難追河南二尹東京罕繼

梁邵陵
王表云

漢太學贊

見學校類

漢明帝畫讚

唐志雜傳類漢明帝畫讚五十卷

舊志書讚五十卷漢明帝撰

隋

志總集類畫讚五卷漢明帝殿閣畫魏陳思王讚梁五

十卷

藝文類聚有曹植帝堯畫贊

漢文帝時詔繪古帝王名臣像

於殿壁明帝好畫立畫官詔班固賈逵輩取經史事畫之起伏羲凡五十謂之畫贊 徐陵曰甘泉之殿舊禮

義軒長樂之宮本圖堯舜

魏温室畫像讚 百瑞圖

魏都賦丹青煥炳特有温室儀形宇宙歷像賢聖圖以
百瑞粹以藻詠芒芒終古此焉則鏡有虞作繪茲亦等
競張載注鳴鶴堂之前次聽政殿之後東西二坊之中
央有温室中有畫像讚 景福殿賦命共工使作續明
五采之彰施圖象古昔以當箴規椒房之列是準是儀
故將廣智必先多聞立德必先近仁朝觀夕覽何與書

紳玄軒交登駟虞承獻

晉三國名臣贊

見頌類 文苑英華嚴從有擬三國名臣讚序 文心

雕龍昔虞舜之祀樂正重贊尚書大傳益贊于禹伊陟贊于

巫咸尚書漢置鴻臚以唱拜為讚相如屬詞始讚荆軻文章

緣起史班書記託贊褒貶景純注雅動植必讚隋志郭璞爾雅圖讚

卷二翰林論曰容象圖而讚立宜使辭簡而義正

晉諸公讚

唐志雜史傅暢晉諸公讚二十二卷 隋志二十一卷

晉祕書監傅暢撰

魏志注文選注引之

晉傅暢著晉諸公贊及

晉公卿禮秩故事

見典故類

晉歷贊

晉書張亢宗領著作述歷贊一篇

兩晉名臣讚

孫何作兩晉名臣贊宋詩二十篇春秋意尊儒教議

七國叙讚

舊唐志十卷集錄

宋孔子讚

宋書元嘉十四年河西獻孔子讚一卷 舊唐志四科
傳讚四卷姚澹撰

唐志孝圖傳讚

志傳記類李襲譽二十卷 又見圖類

唐六賢圖讚

志李渤一卷 李渤傳渤隱廬山撫古聯德高蹈者楚

接輿老萊子黔婁先生於陵子王仲儒梁鴻六人圖像
讚其行因以自倣

祥符雙廟讚

睢陽祠張巡許遠號雙廟

大曆中建 大觀二年十月賜名協忠廟

章聖

東巡過其廟留駕裴回咨其雄挺著金石刻贊明厥忠
與夷齊蹈西山孔子稱仁何以異

唐史

祥符七年八月

丁丑以聖製雙廟贊示輔臣先是景德四年二月己巳
次西京詔曰滎陽舊邑次舍所經漢將軍紀信以身徇

國宜贈太尉又贈司徒魯恭太師以獎名臣戊子又增封唐大厯中孝子潘良玉之墓大厯四年八月齊嵩

撰雙廟記

金石錄

經

黃帝陰符經

見陰陽書類

黃帝四經

漢志道家四篇 隋志黃帝四篇老子二篇最得深旨

史記正義黃帝道書十卷

黃帝內經

漢志醫經黃帝內經十八卷外經三十七卷

詳見後

黃帝九宮經

隋志一卷又三卷 唐會要會昌二年王起等奏案黃
帝九宮經及蕭吉五行大義

黃帝占夢經

漢志雜占十八家黃帝長柳占夢十一卷衆占非一而

夢為大故周有其官而詩著明大人之占以考古凶

史記正義帝王世紀云黃帝夢風吹塵垢皆去又夢執
千鈞之弩驅羊萬群依二占求之得風后於海隅登以
為相得力牧於大澤進以為將黃帝因作占夢經十一
卷

漢忠經

見孝經類

漢神異經

唐志道家東方朔二卷張華注 書目漢東方朔記晉
張華傳朔周游天下所見神異山海經所不載者列之

唐感應經

書目三卷唐李淳風撰載物類相感為韻語而注釋之

唐太一金鏡式經

志五行類王希明十卷開元中詔撰 舊史一行撰天
一太一經及太一局遁甲經各一卷

清化經

舊唐志儒家十卷蔡洪撰



玉海卷六十二